

Tuesday, October 28, 2025

Time - 2:30pm

SARAS FAIR

Thingtlanga kuthnathawktu hmeichhiate tharchhuah zawrhna, Sales of Articles of Rural Artisans Society (SARAS) fair vawi - 11na leh SHG Mela chu vawiin khan UD&PA Minister Pu K Sapdanga'n Lammualah a hawng.

RD & A Deptt hnuaia MzSRLM leh UD&PA Dept hnuaia DAY-NULM tangkawpin an buatsaih SARAS FAIR leh SHG MELA, 2025 hawngtu khuallian UD&PA Minister Pu K Sapdanga chuan Mizoram hmun hrang hranga Self Help Group chawimawina leh chawikanna atan bakah an thil siamchhuah zau zawka an pholan theihna atan leh an thawhrimna leh hlawhtlinna puanzarna atan buatsaih a ni tih sawiin, SHG Mela kaltlang hian tualchhunga kutkawiha eizawngte chher hriam a, an thil siamchhuah zau zawka zawrhchhuah theih beisei a ni a ti a. Khawvel kal zelah hmeichhiaten hmasawnna huamzau zawk an neih theihna tur leh hemi kawnga hmahruaitu an nih theihna tura hamthatna chhawp chhuah chu sorkar leh he Fair thil tum leh inngahna pawimawh tak a ni tih sawiin, UD&PA hnuaiah self help group 1500 a awm mek a, self help group te hnenah revolving fund sing 1 leh bank loan tlem zawka an rulh theihna tur pek a ni a ti a, he fair kaltlang hian Mizoram in tinin sum lakluhna zahawm zawk an neih a, kuthnathawktu thiam thil chher hriam a nih a, khawtlangah hmasawnna rualkhai mitin thleng phak an neih ngei theih nan Fair chu hmang tangkai turin mipuite a sawm a ni.

SARAS Fair ah hian dawr hrang hrang 102 awmin SHG RD Block 28 atangin heng dawr hrang hrang hi an luah a, zing dar 10 atanga zan dar 8 thleng hawn tura ruahman a ni a, thil eina tur Food Court ah dawr 9 a awm bawk a ni.



RD MINISTER

Rural Development and Administration Minister Prof. Lalnilawma'n vawiin khan SARAS Fair leh SHG Mela bultanna ah SELHEL Brand leh Chhimpei Online Marketing Portal a hawng.

Minister Prof. Lalnilawma chuan MzSRLM a pian hnuaiah Self Help Group chu nu ho chauh a ni tur tih a nih angin, anmahni kuta an din theih nan sorkarin a theih ang angin a pui thin a ti a. Mizorama self help group nu ho chuan self help tih chu Selhel tia an sawi thin avangin Mizo nu ho nihna tarlang thei turin an thil thar chhuah chu SELHEL brand hnuaiah zawrhchhuah a ni tawh dawn a ti a, Ministry of Commerce & Industries hnuaiah an inziak lut tawh tih sawiin, thil tul te pawh an tifel tawh a, he brand hnuaiah hian Mizo nute thil siamchhuah, ram dangah pawh zawrhchhuah tlaka an hriat te chu an zuarchhuak thei tawh tih sawiin, SELHEL Brand & Chhimpei Online Marketing Portal chu vawiin khan a hawng a ni.



SOCIAL WELFARE MINISTER

Social Welfare Minister Pi Lalrinpuii'n vawiin khan Central YMA Hall ah Directorate of Social Welfare, Mizoram Upa Pawl leh Directorate of Ayush te buatsaih, Upate pual intihhlamna leh inzirtirna hun chu khuallian niin a hmanpui.

Pi Lalrinpuii chuan nu leh pate an lo upat a enkawl hna chu tu leh fate mawhphurhna a ni tih inzirtir thin leh chawinung hnam an nih angin, upate chu anmahni awmhmun nghet ngeia upat lam hun hahdam leh hlim taka an lo pan theih nan MUP Branch tin in hmun remchang buatsaih tur leh chumi atana lo bengvarpui tur in kalkhawmte chu a chah a. Sorkar laipui pawhin Upate inkawm khawmna tur 'senior citizens day care center' siam chu a ngaih pawimawh thu leh an hriselna leh thil dang danga Upate hamthatna ngaihtuah pui zel a tum thute tarlangin, Minister chuan Upate enkawltu tur Geratric Caregivers pawh thahnem tak training pek an nih tawh thu leh Sorkar chuan Upate chu a ngai pawimawh thu a sawi a. Hrisel taka rei tak dam thei tura in enkawl that chu upate pawhin ngai pawimawh hram hram turin a chah nhghal bawk a ni.

Wawiina hun hmanah hian Upate tana thil pawimawh leh tangkai chi hrang hrang, exercise awlsam tak a lak dan, eitur hrisel buatsaih dante leh an hriselna atan a hriattur pawimawh dangte mithiam rual ten zirtirna hun an hmang a. MUP branch 18

leh Mizo Upa Pawl branch 4 te hnen ah an inkawmhlimna hmun tih phuisui nan Rs 50,000 theuh hlan nghal an ni.



IWT

Sawrkar laipua Ministry Ports, Shipping & Waterways changtu Union Minister Sarbananda Sonowal chuan ramchhunga luidunga inkalpawhna tih hmasawn nan Tlawng lui leh Chhimtuipui hmasawwna tur project chu IWT hmalakna hnuaiah tih fel tep ani tawh tih a sawi.

India Maritime Week 2025 puala thuchah a sawina ah he thu hi sawiin Union Minister Sarbananda Sonowal chuan ramchhunga inkalpawhna tih hmasawwna tur zingah Mizoram chu a tel ve tih sawiin Tlawng lui leh Chhimtuipui hmasawwna tur chuan Khawthlangtuipui leh Tuichawng te chu kawtchhuahah siamin heng hian hmasawwna lian tak a thlen dawn a ti a, hmarchhak bial dangah pawh an luitui tih hmasawwna tur hrang hrang hna chak taka thawh chhoh mek a ni.

Minister chuan ramchhunga Lui hrang hrangah lawng lian kalkawng tur tih hmasawn kawngah sawrkar chuan theihtawpin hma a la tih sawiin Brahmaputra, Barak, Dhansiri leh Kopili te chu a hmingthang zual ani a ti a, heng lui kalkawng tih hmasawwna hian ramchhunga cheng te eizawwna a pek bakah ramin nasa takin hma a sawn phah dawn a ti a, khualzin hip kawngah leh sumdawwna kawngah pawh hmasawwna tam tak a thlen dawn tih a sawi a ni.

Minister chuan lui dung tih hmasawn bakah hian lui leh a chhehvela awm te chu khualzinte mit fukna a nih theih nan chei mawi ani dawn a ti a, Mizorama Tlawng lui leh Chhimtuipui hmasawwna tur project pawh DPR en fel mek ani tih sawiin hei hian ram chhunga inkalpawhna turah leh ramdang pawhna kawngah pawh hmun pawimawh tak a chang dawn a ti a, sawrkar chuan hmarchhak bial a dah pawimawh thin tih sawiin hmasawwna hrang hrang hnathawh chu ramchhung hmun dang rualin hmarchhak bialin Prime Minister Narendra Modi kaihhruai sawrkar hnuaiah a hmu thin tih a sawi bawk.



GST

Prime Minister Narendra Modi sorkarin ram chhung sector hrang hranga GST rate a tih hniam chu September ni 22 atang khan GST Bachat Utsav hman tan a ni.

Next Generation GST siamthatna hnuaiah hian sorkar laipui chuan stationery bika tax structure thar kalpui zingah zirlaite tan insenso a tlem zawk nan stationary items hrang hranga tax lak a ni tawhloa. Hei hian stationery item te man tlawm zawka siamin, zirlaite tan senso a tih tlem bakah rampum huanpa hmasawwna kawng hrang hrangah a thlen beisei a ni.

